

Origen di Halloween

Siglonan promé ku nasementu di Kristu e paisnan Inglatera, Scotland, Alemania, Francia i Irlandia tabata habitá pa hendenan ku yama Kelto.

Nan tabata selebrá nan añá nobo jamá Samhain 1 di november ku ta kabamentu di zomer i temorada di kosecha.

Bispu di añá nobo 31 di òktober nan tabata kere ku spirítunan malu i alma di e mortonan ta pasa drenta mundu di e bibunan pa poseé nan alma ya asina nan tin un kurpa bibu den añá nobo.

E saserdotenan jamá druidunan ta sakrifiká bestia kosecha i asta hende na nan diosnan. Nan tabata sende un bonfire of bone fire (kandela di wesu). Ku ta tur e wesunan ku nan a sakrifiká, butá huntu, sendé na kandela pa sigura ku solo lo sali atrobe depues di wenter i pa kore ku e spiritunan malu.



E kustumber di bai kas pa kas a kuminsá asina aki.

E keltonan tabatin hopi temor di e spiritunan, ta pesei nan tabata buta fruta i kuminda dilanti kas pa satisfasé nan.

Despues e kustumber a kambia ora ku mendigonan na Inglatera ta bai kas pa kas pidiendo pa ‘soulcakes’ (un pan kuadrá) a kambio nan lo a resa pa alma morto di e famianan.

E frase **trick or treat** ta mas moderno i a kuminsa wordu huza den añá 1930.

Pa kore ku spiritunan malu nan tabata buta dilanti kas un pampuna ku un kara demonia korta den

dje, pensando ku e spiritunan lo spanta si nan mira algu mas mahos ku nan mes. E kustumber di pampuna ta bini di un fábula Irlandes. Tokante un alma maldishoná ku jama Jack O’ lantern.

Di unda e nomber di Halloween a sali

Den ana 43 AD Roma a invadí majoria teritorio Kelto. Añá 500 AD ora ku katolisismo a bira e religion mundial e influensha kristian a plama den teritorio di e Keltonan pero e paganonan a sigui selebra nan kustumbernan Pesei pa remplasa e fieta di e paganonan (na luga di stop nan i siñanan miho), den añá 800 A.D. papa Gegory di tres a move *dia di tur santu* (*All Saints Day of All hallows day*) ku tabata 13 di mei pa 1 di november ku ta kai pareu ku añá nobo di e Keltonan. E bispu di dia di tur santu ta 31 di òktober nan a yama:

All Hallow’s Eve i finalmente ela bira ***Halloween***.

(“Eve” ta nifiká: bispu)

E peliger ta ku te ku awe hopi kustumber di e Keltonan a kontinuá i mengua ku kristianismo.

Di unda e kustumber di disfrasá a sali?

Nan ta disfrasá na tur loke ta espantoso pa e spirítunan malu, ku ta lòs segun e keriansia, no rekonosé nan i hasi nan daño. Awor den nos tempu muchanan ta bisti na demoño, hèks, karpachi, zumbi ets. bai kas pa kas.

Pa nan haña mangel nan tin ku bisa “trick or treat”

I ken nan ta imitando?



Te ku awe Satanistanan i Okultistanan tur ta rekonosé Halloween komo e fiesta mas importante di añá.

Nan ta kere ku e poder di bruhonan ta mas fuerte riba e dianan aki i hopi sakrifisio ta tuma lugá.

Satanistanan ta ofresé almanan speshalmente di mucha na Satanas.

P.e. nan ta hinka blet, venenu, feneta, droga den e mangelnan i asta sequestrá mucha.



Ta pesei na Merka muchanan no ta bai kas di hende deskonosí mas riba e anochi di Halloween.

Kiko nos mester hasi?

Por ta bo ta pensa pero ami no ta sakrifikando, mi no ta satanista, mi ta djis pasa prèt. Pero bo ta pasando prèt ku kosnan ku tin di haber ku morto i sufrimentu. Esaki ta agradá Dios?

Ku un fiesta bo ta selebrá algu, manera bo añá of un éksito; bo tin un motibu di bini huntu pero kiko bo ta selebrá ku Halloween? Tin algu di selebrá?

Ounke nos ta rekonosé ku awendia hende ta pone fiesta pasobra nan ta sinti falta di ambiente; mientrastantu desasternan familiar ta sigui oumentá; en bes di drecha ambiente na kas.

Si bo ta un mama of tata Kristian i bo laga bo yunan partisipá den e fiesta aki bo ta hungando riba tereno di Skuridat. Kiko Dios su palabra ta bisa: Nos no por partisipá den trabounan di skuridat. **Efesionan 5:11** “No partisipá den e aktonan inutil di e hendenan ku ta biba den skuridat , pero eksponé nan akto.”

Si bo ta un yu di Dios apartá bo mes for di e kosnan aki ; **1 Korintio 10: 20** “Ora e paganonan ofresé sakrifisio na nan dios falsu, ta na demoño nan ta ofresé i no na Dios. Anto ami no ke pa boso tin niun tipo di relashon ku demoño.”

Nos tin e promesa ku Dios ta protehá nos yunan. Si nos permití nan partisipá na e fiestanan aki e promesa di Dios no ta balido mas.

Abo mayor ta responsabel pa bo yu su bida spiritual; djis para ketu pensa un ratu. Kiko positivo tin na un fiesta ku ta enserá: Karpachi, brua, spirítu i.....morto? Den ki forma e práktikanan aki ta agradabel na Dios? Si bo mester a pinta un pintura pa bo yu klùr lo bo a pinta un karpachi?



Pero ora den un fiesta nan pone bo yu disfrasá na algu diabólico e ta masha normal. Bo no ta haña esei straño? Ta pesei Skrituranan ta bisa: **Hosea 4:6** “mi pueblo ta bai pèrdí pa falta di konosementu”



Nos ta mirando suficiente desgrasia i morto riba nos país, pa nos hasi wega i asta selebrá morto. Nos ke pa bai nos bon. Nos ke pa nos país ta bendishoná. Kon por, si nos mes ta habri porta pa influensha satániko? Sea sabí i apstené bo for di tipo di praktikanan asinaki. Laga nos buska Dios su kara i lo E sana nos país. **2 Kronikonan 7:14**

Si bo tin duele di a yega di partisipá, of hasi otro tipo di kosnan asinaki, arepentí di bo pikanan pidi Kristu Hesus bin biba den bo kurason i E lo guiabo den tur bèrdat.

Dios tin Su fiestanan pa nos celebra ku n’E **Lev.23. Juan 2:1,23, 5:1, 7:2,37, 10:22 ets.** (Wak nos flyer di e Fiestanan di Señor)

Copy Right, Produci 2003, pa S.Flores,
Iglesia Hosanna, Saliña 135, POBox 4500.
T465-2562 F465-1535, hosana@onenet.an

HALLOWEEN



Djis un fiesta...?